

南原梁氏龍城君派大譜重刊序

譜者言譜也。譜收宗族歸于一本源者也。嶧陽蘇洵序其譜曰：蘇氏族譜，晉蘇氏之族，卽此之謂歟。粵惟我鼻祖良乙那，天地之毓氣，海嶽之鍾靈，與高夫兩乙那并時從地湧出，維嶽降神，生甫及申，豈非順推之驗歟。拓地開荒，建邦設都，與檀君并立，歷數千載。子姓蕃衍，民物殷阜，至新羅始八貢，賜爵星主，賜國號耽羅，改良爲梁。又歷千有餘禩，暨乎高麗雲仍，北徙子孫，漸蕃然年代寢遠，無文獻之可徵，而逮于中葉，有諱朱雲太子中允以贊化功。元宗朝封龍城君，錫埰南原因爲籍焉。入于本朝，德業文學

簪纓搢紳，世世相承，如津筏然，亦爲著姓。而祖宗玄遠子孫蕃延

遠則恐恐蕃則易疏譜之所以作也蓋吾梁之譜始於肅廟丙

寅卽濟南大譜也我九世祖蓬隱公著弁卷之文庚午辛亥丁巳

己未累修派譜而當時述錄頗失謹嚴爲有眼者之所斥可勝歎

哉粵在英廟丙寅我六世祖承旨公有志續修發交八路竟未

就而戊辰多捐館乙亥之譜有克選誣系之耻我從五世祖進士

公極言卜誣焚譜毀板受誣之耻於斯痛雪歲戊辰因舉修事譜

規槩取諸丙寅譜昭穆嫡廢序分得宜井井不紊章章有條謹嚴

明白吾宗識者稱之以百世之春秋也然所欠者不得與濟派同

修使一根之誼有不免墜地之歎焉越三紀至于戊子始修南派

派譜當時都任文節公派咸陽族大父景華氏鎮岑再從叔在燦

氏南原評理公派族兄校理公漢容氏校讎先舍伯亦衆任焉益
吾譜之規橫井自前定例而至是始摸宋歐陽氏譜法以長行爲
式似簡而明近畧而詳臨事諸公一遵其規竣成譜事而當時諸
公已作前塵然聲音聲該宛在篇上追感無地也大抵修述之家
以一紀爲期準今去戊子的當其時而寂無先唱咸陽族大父昌
圭氏與南原族姪基甫甫已有修譜之議乙卯秋昌圭氏發交通
告于畿湖諸宗矣不敢偃蹇坐視往叅咸陽本然齋宗筵之末議
不歸當其翌年丙辰夏四月始乃議協自本然齋發文於南原與
各道僉宗大會于雪巒齋卽五月三日也宗議稍定修事可期是
年冬十一月十日昌圭氏再會僉宗于此宗議已決仍設譜所于

本齋故及期來抵則譜所既設任員已爬而賤名插在其間許多
吾宗何限其人而及此愚昧病廢乎臨務諸員卽起視事發送有
司各派單錄取次收畢自昨秋七月始設校役遂遵戊子譜規而
幸賴諸執事勤幹年及二周鋟梓告訖無乃先靈所暨耶夫木有
千枝之繁茂推其本則一也水有百派之分裂溯其原則一也人
之修譜之大綱普收千枝百派之宗族必歸于一本源而已捨是
理何以共蓋陳世德述家風宜遵舊譜之慎嚴而古今不同時移
事變安能如意也畧遵舊制專以講睦敦叙爲意後之覽此譜者
或可斟酌時宜不以符合舊規無追誅則幸矣僉宗氏要余弁文
孤陋蔑識其何敢也辭不獲已畧叙顛末如右歲戊午復月上泮

后裔孫幼學夏容謹序

族氏書古太史所職周官小史奠系世辨昭穆春秋祭酺族師書
孝友睦婣其有不孝友不睦婣者大司徒以鄉刑糾之嗚呼聖人
之教遠矣夫祖而父父而子子而孫叔父分於祖昆弟分於父以
至一世而積爲千百世一人而分爲千萬人服盡而係屬愈遠澤
斬而親愛愈疎然推其本則出於一祖實一氣而分故人之性莫
不愛類而相仁聖人之治因其性而率之以仁此周官之教也後
世族之爲譜蓋本於此乎吾族氏出自濟州貫龍城以食采也得
姓之初年代杳茫稽考難明文獻不足故自我龍城君以後仕宦
其末也儒賢也節義也文章也赫世蟬聯昭載 國乘爲名族近

何興替相禪今日之守約安知他全盛時乎因相與勗之曰譜所
之設先祖事也先墓下甚善今修譜始祖以下本枝之世一一序次
悅然若始祖在座衆子孫列侍則其所仁愛無間惟我諸宗以體
祖宗之仁愛垂後昆不替以之親睦於諸族此真修吾譜之本意
也戊辰濟南分譜之感戊子南派派譜之歎實由於此其餘修譜
之年代諸公修事之由昭載於諸舊譜及新譜弁文不必贅說也
如定謨之昧識無文者猥補校讎之責且蒙文之之勤辭固不獲
謹叙顛末之畧云歲戊午復月上澣后裔孫定謨謹書

南原梁氏龍城君派大譜卷之一

始祖

良乙那

天耽羅國王新羅時有良宕為
廣巡使入貢賜爵改姓梁氏

一世

梁朱雲

天高麗元宗時登第太子申允封贊化功臣龍城君○墓
南原府南水旨坊馬淵村後雪巒山下甲坐原有誌石

後孫

藏內階床石左○謹按家乘及丙寅譜俱無公之字與別號則此
固年代浸遠無文獻之可徵而今見諸宗譜單字曰孝直號曰三
江有何信蹟而如是書錄歟譜體慎重不敢以無稽字號載錄且
封塋實用甲坐而放諸舊譜誤以良坐懸錄故敢此釐正○子華

二世

華

天興工佐郎○墓失傳○謹按公諱字舊譜及諸單甲以華字
書錄而葬字即華之古字云而考諸字彙等冊無可據故今

朱雲天

依蓬隱公手書家乘以
華字書之○子申奎